

武

備

志

武備志卷五十

防風茅元儀輯

戰畧考

南宋

以畢再遇權山東京東招撫司時諸將用兵皆敗、
惟再遇數有功、金人常以水櫃取勝、再遇夜縛藁、
人數千衣以甲冑持旗幟戈矛嚴立戒行、昧爽鳴、
鼓、金人驚視、亟放水櫃、後知其非兵也、甚沮、乃出、
兵攻之、金人馬死者不可勝計、又嘗與金人對壘、

度金兵至者日衆難與爭鋒一夕拔營去留旗幟於營豫縛生羊置其前二足於鼓上擊鼓有聲金人不覺爲空營復相持數日及覺欲追之則已遠矣

孟宗政守棗陽金帥完顏訛可擁步騎薄城宗政囊糠盛沙以覆樓棚列甕溺水以隄火攻又募砲手擊之一砲輒殺數人金人選精騎二千號弩手擁雲梯天橋先登又募鑿銀鑛石工晝夜攻城運茆葦直抵圓樓下欲焚樓宗政先燬樓掘深坑防

地道剗城棚防城損穿井纔透卽施毒烟烈火鼓
鞀以薰之金人窒以濕氊折竹以剗土城城頽樓
陷宗政撤樓益薪架火山以絕其路列勇士以長
鎗勁弩備其衝距樓陷所數丈築偃月城翼傳正
城金人摘強兵披厚鎧羶衫鐵面而前又濕氊濡
革蒙火山擁雲梯徑抵西北圓樓登城城中軍以
長戈舂其喉殺之敢勇軍自下夾擊金兵墜死燎
焰金人連不得志會扈再興許國兩道並進掠唐
鄧境焚其城棚糧儲金人頓棗陽城下八十餘日

趙方知其氣已竭，乃召國再興還，併東師隸於再興。尅期合戰，再興敗金人於灤河，又敗之城南。宗政自城中出擊，內外合勢，士氣大振。賈勇入金營，自晡至三更，殺其衆三萬。金人大潰，訛可單騎遁，獲其資糧器甲不可勝計。追金人至馬磴寨，焚其城，入鄧州而還。金人自是不敢窺襄漢棗陽中原。遺民來歸以萬數。宗政發廩贍之，給田勸屋與居，籍其勇壯號志順軍。俾出沒唐鄧間。宗政由是威振境外。金人呼爲孟爺爺，俱寧宗。

逆賊李全浚圍城塹趙范趙葵遣諸將出揚州東門掩擊全走土城官軍躡之蹂躪甚衆范陳於西門賊閉壘不出葵曰賊俟我收兵而出爾乃伏騎破垣間收步卒誘之賊兵數千果趨濠側李虎力戰城上矢石如雨注賊退有頃賊別隊自東北馳至范蔡揮步騎夾浮橋弔橋並出爲三道迭陣以待之自己至未與賊大戰別遣虎等以馬步五百出賊背而葵率輕兵橫衝之三道夾擊賊敗走范葵夜議詰朝所向葵曰出東門范曰西出嘗不利

賊必見易因其所易而圖之必勝不如出堡塞西門全置酒高會於平山堂有堡塞候卒識全錦垂雙拂爲號以告范范喜謂葵曰此賊勇而輕若果出必成擒矣乃悉精銳數千而西取官軍素爲賊所易者張其旗幟以誑之全望見喜謂李宋二宣差曰看我掃南軍官軍見賊突鬪而前亦不知其爲全也范麾兵並進葵親搏戰諸軍爭奮賊始疑非前日軍欲走入土城李虎軍已塞其甕門全窘從數十騎北走葵率衆將以制勇寧淮二軍蹙之

全趨新塘、新塘自決水後、淖深數尺、會久晴、浮戰塵如燥壤、全騎過之者、陷淖中、不能自拔、制勇軍追及奮長鎗三十餘、亂刺殺之。

授余玠四川宣諭使、玠亦自許當手挈全蜀以還、本朝先是東西川無復統律、監司戎帥各專號令、擅辟守宰、玠至大更敝政、築招賢之館于府之左、供帳一如帥所、下令曰、集衆思、廣忠益、諸葛孔明所以用蜀也、欲有謀於告我者、近則逕詣公府、遠則自言於郡、所在以禮遣之、高爵重賞、朝廷不吝。

時播州冉璉冉璞兄弟隱居蠻中前後閩帥辟召
皆不至至是身自詣府玠素聞冉氏兄弟名刺入
卽出與之分廷抗禮居數月無所言玠乃爲設宴
親主之酒酣坐客紛紛競言所長璉兄弟卒默然
玠曰是觀我待士之禮何如耳明日更闢館以處
之因使人窺之但見兄弟終日對踞以堊畫地爲
山川城池起則鋤去如是又旬日乃請見屏人言
曰某兄弟辱明公禮遇今日思有以少報其在徙
合州城乎玠不覺躍起執其手曰此玠志也但未

得其所耳。曰：蜀口形勝之地，莫若釣魚山。請徙諸
若若任得其人，積粟以守之，賢於十萬師遠矣。巴
蜀不足守也。玠大喜，密以其謀聞於朝，請不次官
之。卒築青居大獲釣魚雲頂，天生凡十餘城，皆因
山爲壘，碁布星分，屯兵聚糧，爲必守計。又移金戍
爲大獲，以護蜀口；移沔戍於青居，與戍先駐合州
舊城，移守釣魚，以備內水；移利戍於雲頂，以備外
。於是如臂使指，氣勢聯絡矣。初，利司都統王夔素
殘悍，桀驁不受節度所至劫掠，蜀人苦之。又悉歛

公卿將
官皆川
委此法
情無余
餘耳

步將倅馬以自入將戰乃高其估賣與之朝廷雖
知其不法不能詰也玠至嘉定夔帥所部兵迎謁
纔羸弱二百人玠曰久聞都統兵精今疲敝若此
殊不稱所望夔對曰夔兵非不精所以不敢卽見
者恐驚從人耳頃之班聲如雷江水爲沸聲止圓
陣卽合旗幟精明器械森然沙上之人彌望若林
立無一人敢亂行者舟中皆戰掉失色而玠自若
也徐徐命吏以差次班賞夔退謂人曰儒者中乃
有此人耶玠久欲誅夔獨患其握重兵一日謀於

親將楊成成曰但令誅之一夫力耳玠意決夜召
夔計事潛以成代領其衆夔纔離營而新將已單
騎入矣將士皆愕貽相顧不知所爲成以帥指譬
曉之遂相率拜賀夔至斬夔

孟珙敗金武仙於順陽金唐鄧行省恒山公武仙
次子於順陽與唐州守將武天錫鄧州守將移刺
瑗相犄角謀迎金主入蜀遂犯光化其鋒甚銳珙
逼天錫營俘其將士四百餘人又敗金人於呂堰
俘獲不可勝計遂攻順陽武仙敗走馬蹬山縣令

李英以城降，移刺瑗孤立而懼，遣使請降，珙納之。
爲易衣冠，以賓禮見。於是降者相繼。珙言於制使，
史嵩之曰：「歸附之人，宜因其鄉土而使之耕。」因其
人民而立之，長少壯籍爲軍，俾自耕自守，才能者
分以土地，任以職事，使各招其徒，以殺其勢。嵩之
從其請。秋七月，孟珙大敗金武仙馬蹬山，降其衆。
而還。先是，武仙愛將劉儀詣珙降。珙問仙虛實，儀
言：「仙所據九砦，其大砦在石穴山，以馬蹬以窩帖
山三砦蔽其前，三砦未破，石穴未可圍也。若破離

金砦則岵山沙窩孤立矣。珙乃遣兵攻離金，掩殺幾盡。是夕復令壯士擣王子山砦，斬金將首而出。遂圍馬蹬，殺戮山積，還至沙窩，西與金人戰，大捷。丁順復破默里砦，於是仙之九砦六日而破，其七。珙召儀曰：「此砦旣破，板橋石穴必震，汝能爲我招之乎？」劉儀又請選婦人三百，僞逃歸，懷招安榜以徃。珙料仙勢窮，蹙必上岵山絕頂，窺伺。乃令樊文彬詰旦奪岵山，駐軍其下，前當設伏，後遮歸路。已而仙衆果登岵山，及半，彬麾旗伏兵四起，仙衆失

措枕藉崖谷，山爲之赭，殺其將兀沙惹，擒七百三十人，棄鎧甲如山。薄暮珙進軍至小衣河，儀言：「仙謀往商州，依險以守，然老穉不願北去。」珙曰：「進兵不可緩。」夜漏十刻，召文彬等受方畧，明日攻石穴。雨夜蓐食，啟行。晨至石穴，時積雨未霽，文彬患之。珙曰：「此雪夜，擒吳元濟之時。」策馬直至石穴，分兵進攻。自寅至巳，遂破石穴。仙走，追及于鮎魚砦。仙望見易服而遁，復戰於銀葫蘆山，又敗，與五六騎奔追之，隱不見。降其衆七萬，珙還襄陽。

冬十一月，史嵩之遣孟珙率師會元將張柔攻蔡州。柔率精兵三千薄城，金人鈎二卒以去。柔中流矢如蜩，珙麾先鋒救之，挾柔以出。明日，珙復殊死戰，進逼柴潭，立柵潭上，命諸將奪柴潭樓。金人來爭，諸軍魚貫而上，遂拔柴潭樓。蔡州恃潭爲固，外卽汝河，潭高於河五六丈，城上金字號樓伏巨弩，相傳下有龍人，不敢近。將士疑畏，珙召麾下飲酒，再行謂曰：「造潭樓非天造地設，伏弩能射遠而不射近，彼所恃此水耳。決而注之，涸可立待。」遂鑿隄，

潭果決入汝水，珙命實以薪葦，元亦決練江，於是兩軍皆濟，攻其外城，破之，進逼土門，金人驅其老穉熬爲油，號人油砲，人不堪其楚，珙遣道士說止之。金總帥李朮魯中婁室帥精銳五百，夜出西門，人荷束藁沃油其上，將燒兩軍，塞及砲架，元兵先覺之，伏於隱處，挽強弩百餘，火發矢亦發，金兵却走，傷者甚衆，婁室僅以身免。

詔孟珙收復京襄，珙謂必得郢，然後可以通餽餉，得荆門，然後可以出奇兵，由是指授方畧，發兵深

孰肯爲
此言之
謀淚耳

入所至皆以捷聞。珙奏畧曰：襄樊朝廷根本，今百戰而得之，當加經理，非甲兵十萬不足分守。與其抽兵與敵來之後，孰若保此全勝？上兵伐謀，不爭之爭也。乃置先鋒軍于襄郢，歸順人隸之。四年，珙條上流備禦，宜爲藩籬三層。謀知元兵於襄樊，隨信陽招集軍民布種，儲船材於鄧順陽，乃遣一軍出隨，一軍出信陽，一軍出襄，分路撓其勢，潛遣兵燒所積船材。又度師必因糧於蔡，遣張德、劉整分兵入蔡，火其積聚，乃制拜四州宣撫使，兼知夔州。

孟○傳○志○卷○五○十○
珙○曰○不○擇○險○要○立○砦○柵○則○難○責○兵○以○衛○民○不○集○流○
離○安○耕○種○則○難○責○民○以○養○兵○於○是○大○興○屯○田○調○夫○
築○堰○募○農○給○種○首○秭○歸○尾○漢○口○爲○屯○二○十○爲○頃○十○
八○萬○八○千○二○百○八○十○

以○孟○珙○兼○知○江○陵○府○珙○至○江○陵○登○城○歎○曰○江○陵○所○
恃○三○海○不○知○沮○洳○有○變○爲○桑○田○者○敵○一○鳴○鞭○卽○至○
城○外○盖○自○城○以○東○古○嶺○先○鋒○直○至○三○汊○無○限○隔○乃○
脩○復○內○隘○十○有○一○別○作○十○隘○於○外○有○距○城○數○十○里○
者○沮○漳○之○水○舊○自○城○西○入○江○因○障○而○東○之○俾○遶○城○

北入於漢而三海遂通於一、隨其高下爲滙畜泄、三百里間渺然巨浸、土木之工百七十萬、民不知役、因繪圖上之、俱理宗

襄陽被圍五年、援兵不至、呂文煥竭力拒之、幸城中稍有積粟、所乏者鹽薪布帛爾、張漢英守樊城、募善泅者寘蠟書於髻中、藏積草下、浮水而出、謂鹿門旣築勢、須自荆郢救援、至隘口、元守卒見積草多、鈎致欲爲焚爨之用、泅者遂被獲、於是鄧郢之路亦絕、至是詔李庭芝移屯郢州、將帥悉駐新

郢及均州河口以守要津庭芝闢知襄陽西北一
 水曰清泥河源於均房卽其地造輕舟百艘以三
 舟聯爲一舫中一舟裝載左右舟則虛其底而掩
 覆之出重賞募死士得襄郢山西民兵之驍悍善
 戰者三千人求將得民兵部轄張順張貴俱智勇
 素爲諸將所服俾爲都統號貴曰矮張順曰竹園
 張出令曰此行有死而已汝輩或非本心宜亟去
 毋敗吾事人人感奮夏五月漢水方生乘順流發
 舟百艘稍進圍山下又進高頭港口結方陣各船

置火鎗火砲熾炭巨斧勁弩夜漏下三刻起可出
以紅燈爲號貴先登順殿之乘風破浪徑犯重
圍至戶兵灘元兵布舟蔽江無隙可入順等乘銳
斷鐵絙攢棧數百轉戰百二十里元兵皆披靡以
避其鋒黎明抵襄陽城下城中久絕援聞順等至
踊躍過望勇氣百倍及收軍獨失順越數日有浮
屍遡流而上披甲冑執弓矢直抵浮梁視之則順
也身中四創六箭怒氣勃勃如生諸軍驚以爲神
結塚歛葬之貴入襄陽文煥固留共守貴恃其驍

勇欲還郢，乃募二士能伏水中數日不食，持蠟書赴范文虎於郢求援。元兵增守益密，水路連鎖數十里，列撒星椿，雖魚蝦不得度。二人遇椿卽鋸斷之，竟達郢，還報許發兵五千駐龍尾洲以助夾擊。刻日既定，乃別文煥東下，點視所部軍，及登舟，帳前一人亡去，乃有過被撻者，貴驚曰：「吾事泄矣！」亟行，彼或未及知，復不能銜枚隱迹，乃舉炮鼓譟，發舟乘夜順流，斷絙破圍，冒進。元兵皆辟易，旣出險地，夜半天黑，至小新城，阿木劉整分艤艦邀擊，以

死拒戰延岍東荻列炬火光燭天如白晝至勾林灘漸近龍尾洲遙望軍船旗幟紛披貴兵以爲郢兵來會喜躍而進舉流星火示之軍船見少卽前迎及勢近欲合則來舟皆元軍也蓋郢兵前二日以風水驚疑退屯三十里而元兵得逃卒之報先據龍尾洲以逸待勞貴與戰而困且出於不意所部殺傷殆盡貴身被數十創力不能支遂被執見阿朮於櫃門關阿朮欲降之貴誓不屈乃見殺元令降卒四人舁貴屍至襄陽城下曰識矮張都統

此今何
乃前如
明乎

乎此是也守陴者皆哭城中喪氣文煥斬四卒以
貴祔葬順塚立雙廟祀之

京湖制置使汪立信移書賈似道爲今日之計者
其策有二夫內郡何事乎多兵宜盡出之江干以
實外禦筭兵帳見兵可七十餘萬人老弱柔脆十
分汰二爲選兵五十餘萬人而沿江之守則不過
七千里若距百里而屯屯有守將十屯爲府府有
總督其尤要害處輒參倍其兵無事則泛舟長淮
往來遊徼有事則東西齊奮戰守並用刁斗相聞

餽餉不絕、互相應援、以爲聯絡之固、選宗室大臣
忠良有幹用者、立爲統制、分東西二府、以蒞任、得
其人、則率然之勢成矣、此上策也、久拘聘使、無益
於我、徒使敵得以爲辭、請禮而歸之、許輸歲幣、以
緩師期、不二三年、邊處稍休、藩垣稍固、生兵日增、
可戰可守、此中策也、二策果不得行、則天敗我也、
銜壁輿觀之禮、請備以俟、似道得書大怒、抵之地、
詬曰、瞎賊狂言敢爾、蓋立信一目微眇云、俱度宗

志卷五十一

防風茅元儀輯

戰略考

元

蒙古兵次嵩汝間金御史臺言敵兵踰潼關殺沔
深入重地近抵西郊彼知京師屯宿重兵不復叩
城索戰但以游騎遮絕道路而別兵攻擊州縣是
亦困京師之漸也若專以城守爲事中都之危又
將見於今日况公私畜積視中都百不及一此臣

今奕奕
名賢豈
以虜卒
臣之不
如

等所以寒心也。願陛下命陝西兵扼距潼關與阿
里不孫爲犄角之勢。選在京勇敢之將十數各付
精兵隨宜伺察。且戰且守。復諭河北亦以此待之。
金主以奏付尚書省。平章木虎高琪曰。臺官素不
習兵。備預方略非所知也。遂止。高琪以蒙古兵目
逼欲以重兵屯駐汴京。以自固。州郡殘破不復恤。
金主惑之。國勢益衰。

蒙古木華黎以張致兵精且依險爲阻。欲設奇取
之。乃遣吾也兒等攻別溜石山堡。且諭之曰。汝等

急致溜石賊必遣兵往援我出其不意斷其歸路可一戰擒也又令蒙古不花別屯永德縣西十里以伺之致聞溜石被圍以兵救蒙古不花遣騎扼其歸路且馳報木華黎夜半引軍疾馳比曙抵神木與致遇而蒙古不花兵亦會前後夾擊大破之致遂奔潰進圍錦州致屢戰不利乃閉門拒守月餘其監軍高益縛致出降木華黎殺之

蒙古主鐵木真殂于六盤山臨卒謂左右曰金精兵在潼關南據連山北限大河難以遽破若假道

真英粹
七

於宋宋金世讐必能許我則下兵唐鄧直擣大梁金急必徵兵潼關然以數萬之衆千里赴援人馬疲弊雖至弗能戰破之必矣言訖而卒

以上俱太祖

金降人李昌國言於蒙古拖雷曰金遷汴將二十年其所恃以安者潼關黃河耳若出寶雞以侵漢中不一月可達唐鄧大事集矣拖雷然之白於蒙古主蒙古主乃會諸將期於明年正月合南北軍攻汴遣拖雷先趨寶雞速不罕來假道淮東以趨河南且請以兵會之

如此苦
戰中原
人不如

蒙古立砲攻洛洛城中惟三峰潰卒三四千及忠
孝軍百餘守禦而已留守撒合輦疽發於背不能
治軍遂投濠水死已而元帥任守貞復治府事及
守貞援汴河南人共推強伸爲府僉事領所有軍
二千五百人蒙古兵圍其三面伸括衣帛爲幟立
之城上率士卒赤身而戰以壯士數百往來救應
大呼以慙子軍爲號其聲勢與萬衆無異兵器已
盡以錢爲鏃得蒙古兵一箭截而爲四以筒發之
又創過砲用不過數人能發大石於百步外所擊

過砲法
宜講

無不中。伸奔走四應。所至必捷。蒙古益兵力攻。凡三月餘。不能拔。乃退。

蒙古主將北還。遣使自鄭州至汴。諭金主降。金主乃封荆王守純子訛可爲曹王。命尚書左丞李蹊送之。蒙古爲質。以請和。蒙古速不臺聞之曰。我受命攻城。不知其他也。乃立攻具。沿濠列木柵。驅漢俘及婦女老幼負薪草填濠。頃刻平十餘步。平章白撒以議和。不敢與戰。蒙古兵併力進攻。金龍德宮造砲石。取良嶽太湖靈壁假山爲之。大小各有

可以復
子彥和
之恥

斤重其圓如燈毬之狀蒙古兵用砲則不然破大
磴或碌礪爲二三皆用之攢竹砲有至十三稍者
餘砲稱是每城一角置砲百餘枚更迭上下晝夜
不息數日石幾與裏城平而城上樓櫓皆故宮及
芳華玉溪所斫大木爲之合抱之木隨擊而碎以
馬糞麥秸布其上綱索旃褥固護之其懸風板之
外皆以牛皮爲障蒙古兵以火砲擊之隨卽延焚
不可撲救父老所傳周世宗築京城取虎牢土爲
之堅密如鐵受砲所擊唯凹而已蒙古兵濠外築

城圍百五十里，城有乳口樓櫓，壕深丈許，闊亦如之，約三四十步，置一鋪，鋪置百許人守之。初，白撒命築門外短牆，委曲狹隘，容三二人得過，以防蒙古兵奪門及被攻。諸將請乘夜斫營，軍乃不能猝出。比出，已爲蒙古所覺。後又募死士千人，穴城由濠徑渡，燒其砲座。城上懸紅紙燈爲應，約燈起，濠又爲蒙古所覺。又放紙鳶，置文書其上。及蒙古營則斷之，以誘被俘者。識者謂宰相欲以紙鳶、紙燈退敵難矣。時有火砲，名震天雷者，用鐵罐盛藥，

運速皆
類宋亡

以火點之、砲起火發、其聲如雷、聞百里外、所焚圍
半畝已上、火點着鐵甲皆透、蒙古又爲牛皮洞、直
至城下掘城爲龕、間可容人、則城上不可奈何矣、
金有獻策者、以鐵繩懸震天雷、順城而下、至掘處
火發、人與牛皮皆碎、迸無迹、又有飛火槍、注藥以
火發之、輒前燒十餘步、人亦不敢近、蒙古惟畏此
二物、蒙古攻城十六晝夜、內外死者以百萬計、於
是金主母明惠皇后陵被發、速不臺知不可取、乃
爲好語曰、兩國已講和、更相攻邪、金人因就應之、

乃遣戶部侍郎楊居仁出宜秋門以酒炙犒蒙古兵且以金帛珍異賂之夏四月速不臺乃許退兵散屯河洛之間俱太宗

蒙古察罕帥兵號八十萬圍廬州期破廬後造舟巢湖以窺江左於濠外築土城六十里穿兩濠攻具皆數倍于攻安豐時杜杲極力守禦蒙古築塙高於城樓杲以油灌草卽塙下焚之皆爲煨燂於串樓內立雁翅七層俄砲中塙上衆驚杲乘隙出戰蒙古敗走杲追躡數十里又練舟師扼淮河

遣其子庶監呂文德聶斌伏精銳於要害蒙古不能進遂引而北歸詔加果淮西制置使

宋劉整時爲潼川安撫使以邊費爲蜀帥俞興所持整素與興有隙自遣使訴於朝不得達心益疑懼遂籍瀘州十五郡戶三十萬降于蒙古整驍將也蒙古旣得整由是盡知國事虛實南伐之謀益決而似道自若不以爲虞時呂文德守鄂有威名整言於蒙古主曰南人惟恃呂文德耳然可以利誘也請遣使賂以玉帶求置榷場於襄陽城外以

其心可
諒其策
下謬

圖之至鄂請于文德文德果許之遂開摧塲於樊城築土牆於鹿門山外通互市內築堡壁由是敵有所守以遏南北之援時出兵哨掠襄樊城外兵勢益熾文德知爲所賣然已無及矣至是整又言於蒙古主曰攻宋方略宜先從事襄陽襄陽吾故物由棄弗戍使宋得竊築爲強藩如復襄陽浮漢入江則宋可平也蒙古主從之遂徵諸路兵命阿朮與整經略取襄陽阿朮駐馬虎頭山顧漢東白河口曰若築壘於此以斷宋餉道襄陽可圖也遽

城其地呂文煥大懼遣人以蠟書告呂文德文德怒且罵曰汝勿妄言邀功賞設有之亦假城耳襄樊城池堅深兵儲支十年令呂六堅守果整妄作春水至吾往取之比至恐遁去耳識者竊笑之劉整與阿朮計曰我精兵突騎所當者破惟水戰不如宋耳奪彼所長造戰艦習水軍事濟矣乃造船五千艘日練水軍雖雨不能出亦畫地爲船而習之練卒七萬遂築白河城以築襄陽

樊城被圍四年守將范天順牛富力戰不爲劬富

又數射書襄陽城中，期呂文煥相與固守，爲唇齒。未幾，阿里海涯得西域人所獻新礮法，乃進攻樊。破外郭，張弘範爲流矢中其肘，束創見。阿朮曰：「襄在江南，樊在江北，我陸攻樊，則襄出舟師來救，終不可取。若截江道，斷救兵，水陸夾攻，則樊破而襄亦下矣。」阿朮從之。初，襄樊兩城，漢水出其間。文煥植木江中，鑲以鐵絙，上造浮橋以通援兵。樊亦恃此爲固。至是，阿朮以機鋸斷木，以斧斷絙，燔其橋。襄兵不能援，乃以兵截江而出，銳師薄樊城，遂破。

千古
江有定
策

元○阿○里○海○涯○言○荆○襄○自○古○用○武○之○地○漢○水○上○流○已○
爲○我○有○順○流○下○驅○宋○必○可○平○阿○木○又○言○臣○略○地○江○
淮○備○見○宋○兵○之○弱○今○不○取○之○時○不○能○再○元○主○輒○召○
史○天○澤○同○議○天○澤○對○曰○此○國○家○大○事○可○命○重○臣○一○
如○安○童○伯○顏○都○督○諸○軍○則○四○海○混○同○可○計○日○而○待○
矣○臣○老○矣○如○副○將○者○猶○足○爲○之○元○主○曰○伯○顏○可○以○
任○我○此○事○矣○阿○里○海○涯○因○言○我○師○南○征○必○分○爲○三○
舊○軍○不○足○非○益○兵○十○萬○不○可○遂○詔○中○書○省○僉○軍○十○
萬○人○

元伯顏至溧水，前部將武顯言水溢未可渡。伯顏曰：「此小水，不敢渡，敢渡大江邪？」使一騎前導，麾諸軍畢濟，遂薄郢州。軍於城西，時張世傑將兵屯郢。郢在漢北，以石爲城。新郢在漢南，橫鐵絙鎖戰艦，密植椿木，水中夾以砲弩，別要津皆施棧，設攻具。元軍襲城，世傑力戰，元軍不能前，遣人招世傑。不聽。阿朮獲俘民言：「沿江九郡精銳皆萃於二郢。若舟師出其間，騎兵不得護岸，此危道也。不若取黃家灣堡，東有河口，可由中施船入藤湖，轉而下江。」

僅三里呂文煥亦以爲便諸將曰郢城我之喉嚨
不取恐爲歸路患伯顏不從遣總管李庭劉國傑
攻黃家灣堡拔之諸軍破竹席地盪舟由藤湖入
漢伯顏阿木殿後不滿百騎郢州副都統趙文義
帥精騎二千追之至泉子湖力戰而敗伯顏手殺
之郢卒皆潰元兵進至沙洋遣俘持黃榜檄文入
城守將王虎臣王大用斬俘焚榜文煥復至城下
招之亦不應日暮風大起伯顏命順風掣金汁礮
焚其廬舍煙燄張天城遂破生擒虎臣大用餘悉

屠之進薄新城文煥列沙洋所馘於城下復縛大
用等至壁使招降都統邊居誼不答明日又至曰
吾欲與呂叅政語耳文煥以爲降已馳馬至伏弩
亂發中文煥右臂并馬馬仆幾鈞得之衆挾文煥
以他馬奔走會其總制黃順副將任寧俱出降其
部曲多欲縋城出者居誼悉驅入當門斬之文煥
乃麾兵攻城居誼以火具却之旋蟻附而上居誼
度力不克拔劒自殺不殊赴火死所部三千人猶
力戰悉死焉伯顏壯其勇購其屍觀之至蔡店大

會諸將、刻期渡江、遣人覘漢口形勢、時夏貴以漢
鄂舟師分據要害、彌亘三十餘里、王達守陽邏堡、
朱禕孫以遊擊軍扼中流、兵不得進、軍將馬福言、
淪河口穿湖中、可從陽邏堡西沙蕪口入江、伯顏
使覘沙蕪口、夏貴亦以精兵守之、伯顏乃進圍漢
陽、聲言取漢口、渡江、貴果移兵援漢陽、伯顏乘間
遣阿剌罕將奇兵倍道襲沙蕪口、奪之、因自漢口
開渠引船入淪河、轉沙蕪口、以達江、戰船萬計、相
踵而至、以數千艘泊淪河灣口、屯布蒙古漢軍數

十萬騎於江北遣人招諭陽邏堡不應因以白鵠
子千艘攻之三日不克伯顏因密謀於阿朮曰彼
謂我必拔此堡方能渡江此堡甚堅攻之徒勞汝
今夜以鐵騎三千隨舟直趨上流爲擣虛之計詰
旦渡江襲南岸已過則急遣人報我阿朮亦曰攻
城下策也若分軍船之半循岸西上泊青山磯下
伺隙而動可以如志伯顏遂遣阿里海涯進薄陽
邏堡貴率衆來援阿朮卽以昏時率四翼軍遡流
二十里至青山磯是夜大雪作黎明阿朮遙見南

岸多露沙洲卽登舟指示諸將令徑渡載馬後隨萬戶史格一軍先渡爲荆鄂都統程鵬飛所敗阿木引兵繼之大戰中流鵬飛軍却阿木遂登沙洲攀岸步鬪散而復合數四出馬急擊追至鄂東門鵬飛被重創走阿木獲其船千餘艘遣人還報伯顏大喜揮諸將急攻陽邏堡夏貴聞阿木飛渡大驚引麾下三百艘先遁沿流東下縱火焚西南岸大掠還廬州都統制王達領所部八千人及定海水軍統制劉成俱死戰元諸將請追貴伯顏曰陽

邏○之○捷○吾○將○遣○使○前○告○宋○人○今○貴○走○是○代○吾○使○也○
遂○渡○河○與○阿○木○會○議○師○所○向○或○欲○先○取○蘄○黃○阿○木○
曰○若○赴○下○流○退○無○所○據○上○取○鄂○漢○雖○遲○旬○日○可○以○
萬○全○伯○顏○遂○趨○鄂○州○知○漢○陽○軍○王○儀○以○城○叛○降○賈○
似○道○以○精○銳○七○萬○餘○人○盡○屬○孫○虎○臣○軍○於○池○州○下○
流○之○丁○家○洲○夏○貴○以○戰○艦○二○千○五○百○艘○橫○亘○江○中○
似○道○自○將○後○軍○軍○魯○港○貴○嘗○失○利○於○鄂○恐○督○府○成○
功○無○所○逃○罪○又○恐○虎○臣○新○進○出○已○上○殊○無○鬪○志○會○
伯○顏○令○軍○中○作○大○械○數○十○採○薪○芻○置○其○上○揚○言○大○

著此君
此將工
兩方
首下

焚○舟○諸○軍○但○晝○夜○嚴○備○而○戰○心○少○懈○伯○顏○分○步○騎○
夾○岸○而○進○麾○戰○艦○合○勢○衝○虎○臣○軍○時○阿○木○與○虎○臣○
對○陣○伯○顏○命○舉○巨○礮○擊○虎○臣○中○堅○虎○臣○軍○動○阿○木○
以○剡○船○數○千○艘○乘○風○直○進○呼○聲○動○天○地○虎○臣○前○鋒○
將○姜○才○方○接○戰○虎○臣○遽○過○其○所○乘○舟○衆○見○之○喧○曰○
步○帥○遁○矣○軍○遂○亂○夏○貴○不○戰○而○走○

伯○顏○南○攻○陞○辭○元○主○諭○之○曰○古○之○善○取○江○南○者○惟○
曹○彬○一○人○汝○不○嗜○殺○是○吾○曹○彬○也○伯○顏○入○建○康○居○
之○時○江○東○大○疫○居○民○乏○食○伯○顏○開○倉○賑○之○且○遣○醫○

治疾民大悅。會元主有詔以時方暑不利行師俟秋再舉。伯顏上言曰百年逋敵已扼其吭少爾遲廻奔播海島後悔無及。元主從之。詔伯顏以行中書省駐建康。阿朮分兵駐楊州與博羅懽塔出絕宋淮南之援。伯顏分兵四出。

元主遣禮部尚書廉希賢工部侍郎嚴忠範奉國書來至建康。希賢請兵自衛。伯顏曰行人以言不以兵。兵多反致疑耳。希賢固請遂以兵五百送之。伯顏仍下令諸將各守營壘勿得妄有侵掠。希賢

此時連
救二使
小何當
于

等至獨松關張濡部曲殺忠範執希賢送臨安希
賢病創死濡浚之曾孫也朝廷使人移書元軍言
殺使之事乃邊將太后及嗣君實不知當按誅之
願輸幣請罷兵通好伯顏曰彼爲詐計視我虛實
耳當擇人同往觀其事體令彼速降乃遣議事官
張羽同使人還臨安羽至平江被殺

張世傑與劉師勇孫虎臣等大出師萬餘艘次於
焦山令以十舟爲方碇江中流非有號令無得發
碇示以必死元阿木登石公山望之曰可燒而走

也。遂遣健卒善發者千人，載以巨艦，分兩翼夾射。阿木居中，合勢進戰，繼以火矢，蓬檣俱焚，煙燄蔽江。諸軍死戰，欲走不能，前多赴江死。張文範、董文炳復以銳卒橫衝，世傑不復能軍，奔圖山。弘範追之，獲白鷄子七百餘艘。師勇還常州，虎臣還真州。世傑請濟師，不報。

元主召伯顏還至上都，面陳形勢，乞卽進兵。遂拜右丞相。伯顏辭曰：「阿木功多，臣宜居後。」乃進阿木左丞相。仍詔伯顏直趨臨安。阿木仍攻淮南。阿里

布爾
不差

海涯取河南萬戶宋都斛及呂師夔李恒等取江西

漳州民陳桂龍兵起福建桂龍及兄子陳弔眼有衆數萬屯高安砦據之朝廷命都元帥完者都及副帥高興討之時建寧賊黃華勢猖獗完者都先引兵壓其境華驚懼乞降完者都奏以華爲副元帥凡軍行悉以咨之桂龍等乘高爲險人莫敢進興命人挾束薪進至半山棄薪走如是六日誘其矢石皆盡乃焚薪樊山斬首二萬級桂龍遁走

入畚洞、

諸王乃顏反、乃顏烈祖第五子、別里古台之曾孫、也。速不花之孫廣寧王瓜都之次子也。始乃顏遣使徵東道兵。帝諭諸王闇里鐵木兒母輒發、或告乃顏反。帝遣伯顏往覘之。伯顏多載衣裘入其境、輒以與驛人。既至、乃顏謀執之。伯顏覺、與其從者趨出、分三道逸去。驛人以得衣裘、故爭獻健馬、遂得脫。馳還白狀。至是、乃顏反。時西北諸王多欲從之。帝以爲憂。宿衛使阿沙不花曰、此莫若先撫安。

無人

諸王乃行天討則叛者勢自孤矣帝曰善爾試爲朕行之乃北說諸王納牙曰大王聞乃顏反耶曰聞之曰大王知乃顏遣使自歸耶曰不知也曰聞大王等皆欲爲乃顏外應今乃顏旣自歸矣是獨大王與主上抗耳大王何不往見上自陳爲萬全計納牙許之於是諸王之謀乃解帝遂議親討之五月遣也先傳旨諭北京等處宣慰司凡隸乃顏所部者禁其往來母會乘馬持弓矢時將校多乃顏部人或其親暱立馬相嚮語輒釋仗不戰帝患

之、浙西道儒學提舉葉李密啓曰、兵貴奇、不貴衆、
臨敵當以計取、彼旣親暱、誰肯盡力、徒費陛下糧
餉、四方轉輸之勞、臣請令漢軍列前步戰、而聯大
軍斷其後、以示死闘、彼嘗玩我、必不設備、我以大
軍不勝矣、帝然之、乃詔左丞李庭等將漢
軍用漢法以戰、六月帝至撒兒都魯之地、乃顏黨
金家奴塔不歹擁衆號十萬進逼乘輿、帝親麾諸
軍圍之、乃顏堅壁不出、司農卿鐵哥曰、彼衆我寡、
當以疑退之、於是帝張蓋據胡牀、鐵哥進酒、塔不

歹按兵不敢進、李庭曰、彼夜當遁耳、乃引壯士千餘人、抱火砲、夜入其陣、砲發、果自潰散、帝曰、何以知之、庭曰、不歹兵雖多、然無紀律、見車駕、駐此而不戰、必疑有大軍繼之、是以知其必遁、遂命庭將漢軍、玉昔帖木兒將蒙古軍、並進、乃顏敗走、追執之、

時有諧伯顏久居北邊、與海都通好、因仍保守、無尺寸之獲者、詔授皇孫鐵木耳以皇太子、保撫其軍、以太傅玉昔帖木兒輔行、召伯顏居大同、以俟

純臣

後命玉昔帖木兒未至三驛、海都兵復至、伯顏遣人語玉昔帖木兒曰、公姑止、待我剪此寇而來、未晚也、遂與海都兵交、且戰且却、凡七日、諸將以爲怯、憤曰、果懼戰、何不授軍與太傅、伯顏曰、海都懸軍涉吾地、邀之則遁、誘其深入、一戰可擒也、諸君必欲速戰、若失海都、誰執其咎、諸將曰、請任之、卽還軍擊敗之、海都果脫去、乃召玉昔帖木兒至軍中、授以印而行、俱世祖

汝頰賊李武、崔德等陷陝州、遂斷殺函、勢欲趨秦

晉知樞密院事荅失八都魯方節制河南軍調察
罕帖木兒及李思齊往攻之察罕帖木兒卽鼓行
而西夜拔穀陵立柵交口陝城堅賊轉南山粟給
食固守攻之猝不可拔察罕帖木兒乃焚馬矢營
中如炊煙狀以疑賊而夜提兵拔靈寶城賊始覺
不敢動渡河掠安邑察罕帖木兒追襲以鐵騎賊
之賊回扼下陽赴水死者甚衆賊勢窮遁去以功
加河北行樞密院事

劉福通遣其黨毛貴陷膠州倪文俊陷陝州李武

等破商州、攻武關、遂直趨長安、掠同華諸州、三輔震恐、時行臺豫王阿剌忒納失里及省院官皆洵懼計無所出、侍御史王思誠曰、察罕帖木兒之名、賊素畏之、宜遣使求援、此上策也、守將恐其軋已、論久不決、思誠曰、吾兵弱朝夕失將、咎將安歸、乃移書察罕帖木兒曰、河南陝西兩省互爲唇齒、陝西危則河南豈獨安、察罕帖木兒新復陝州、得書大喜、遂提輕兵五千與李思齊倍道赴援、遇賊轉戰殺頭無算、賊遂潰、捷聞朝廷以察罕帖木兒爲

陝西行省左丞未幾賊自巴蜀陷秦隴據鞏昌遂
窺鳳翔察罕帖木兒卽先分兵入守鳳翔城而遣
謀者誘賊圍鳳翔察罕帖木兒自將鐵騎晝夜馳
二百里赴之分軍張左右翼掩擊城中軍亦開門
鼓躁而出內外合擊呼聲動天地賊大亂自相踐
蹂斬首數萬級餘黨皆遁關中遂定

察罕帖木兒以大軍次虎牢先發遊騎南道出汴
南略歸亳陳蔡北道出汴東戰船浮於梁水陸並
下略曹南據黃陵渡乃大發秦兵出函谷過虎牢

晉兵出太行踰黃河俱會汴城首奪其外城察罕
帖木兒自將鐵騎屯杏花營諸將環城而壘賊屢
出戰輒敗遂嬰城以守乃夜伏兵城南旦日遣苗
軍跳梁者略城而東賊傾城出追伏兵鼓躁起邀
擊敗之又令弱卒立柵外城以餌賊賊出爭之佯
走薄城西因縱鐵騎突擊悉擒其衆賊由是不敢
復出自五月至八月諜知城中計窮食且盡乃與
諸將關思孝等議各分門而攻至夜將士賈勇登
城斬關入遂拔之

察罕本
中國人
故我大
祖貽其
子書曰
以中華
之人蒙
戎虜之
號中國
人爲虛
用尚如
此今竟
不自用
何哉察
罕匹夫
起義兵
豈有所
待耶

察罕帖木兒既定河南，乃以兵分鎮關陝荆襄河
洛江淮，而重兵屯太行營壘，旌旗相望數千里。乃
日修車船，繕甲兵，務農積穀，訓練士卒，謀大舉以
復山東。至是，謀知山東羣盜自相攻殺，而濟寧田
豐亦降於賊。六月，察罕帖木兒乃輿疾自陝抵洛。
大會諸將與議師期，僉并州軍出井陘，遼沁軍出
邯鄲，澤潞軍出磁州，懷衛軍出白馬，及汴洛軍水
陸俱下，分道並進。而自率鐵騎，建大將旗鼓，渡孟
津，踰覃懷，鼓行而東，復冠州東昌。八月，師至鹽河。

遣其子擴廓帖木兒及諸將以精卒五萬擣東平，與東平賊遇，兩戰皆敗之，斬首萬餘級，直抵其城。下察罕帖木兒以田豐據山東久，軍民服之，乃遣書諭以逆順之理。豐及王士誠皆降，遂盡平山東。獨益都孤城猶未下。六月，田豐、王士誠陰結賊，復圖叛。豐之降也，察罕帖木兒推誠待之，不疑。數獨入其帳中。豐既謀變，乃請察罕帖木兒行觀營壘。衆以爲不可往。察罕帖木兒曰：「吾推心待人，安得人人而防之？」左右請以力士從，又不許。乃縱輕騎。

十有一人行至王信營，又至豐營，遂爲王士誠所刺。先是有日，氣如索長五百餘尺，起危宿掃太微垣。太史奏山東當大水，帝曰：「不然，山東必失一良將。」卽馳詔戒察罕帖木兒勿輕舉，未至而已。及於難，詔贈潁川王謚忠襄，命其子擴廓帖木兒爲平章政事，兼知山東河南行樞密院事，代總其兵。擴廓帖木兒旣襲父職，身率將士誓必復讐，而賊城守益堅。乃遣壯士穴地通道，以入。十一月，遂拔其城，執賊首陳猱頭等二百餘人，取田豐、王士誠之

心以祭其父，餘黨皆就誅。復遣兵取莒州，山東悉平。

徐壽輝兵攻九江，右丞李羅帖木兒方駐兵於江，聞風宵遁。總管李黼檄鄉落聚木石于險處，遏其歸路。黃梅主簿也孫帖木兒願出擊賊，黼與之出戰，大敗賊兵，殺獲二萬餘人。黼曰：「賊不利於陸，必

可法

以舟薄我，乃令以長木數千冒鐵椎於杪，暗植沿岸水中。賊舟數千艘順流鼓躁而至，遇木椿不動，黼發火箭射之，焚溺無算。

徐壽輝遣項普略引兵掠徽饒諸州，遂犯昱嶺關，攻杭州。城中猝無備，叅政樊執敬遽上馬率衆出，中途與賊遇，乃奮力斫賊，中鎗而死。時董搏霄從江浙平章教化征安豐，乘勝攻濠州，會朝廷命移軍援江南，遂渡江至德清，而杭州已陷。教化問計，搏霄曰：「賊見杭城子女玉帛，必縱欲不暇，爲備宜急。攻之，若退保湖州，使賊乘勝出京口，則江南不可爲矣。教化猶豫未決，諸將亦難其行。搏霄曰：『公江浙相君，方面旣陷，而及今不取，誰任其咎？』復拔

劔顧諸將曰相君在此敢有慢令者斬遂進兵薄
杭州賊迎敵麾壯士突前諸軍相繼夾擊凡七戰
追殺至清河坊賊奔接待寺塞其門而焚之賊皆
死遂復杭州已而餘杭武康德清亦次第平搏霄
亦受代去徽饒賊復自昱嶺關寇於潛行省乃假
搏霄爲叅政復提兵討之搏霄卽日引兵扼新溪
追殺至於潛復其縣又復昱嶺關賊兵復大至陷
千秋關搏霄按兵不動伏兵城下授以火礮約曰
見旗動卽發已而視賊稍懈進兵擊之伏兵見旗

九人
關隘
江南
江河
北漢
無矣

動盡發遂奪千秋關賊復攻獨松百丈幽嶺三關
搏霄先以兵守要路分三道會兵擣賊巢乘勝復
安吉尋克廣德賊復犯徽州有道士能作十二里
霧搏霄伏兵擊之已而妖霧開伏兵皆起賊大潰
斬首數百級徽州復平

徐壽輝將王善旣陷羅源遂攻福州連江縣巡檢
劉濬募壯士與其子健數與力戰濬中箭墮馬健
下馬掖之俱被執濬罵賊而死健亦以死拒賊善
義而釋之使瘞父屍健歸請帥府兵以復讐弗聽

亦打
無
終之

因盡散家貲結死士百人詐爲工商流丐人賊中
半夜發火大躁賊驚擾自相殺健手斬殺其父者
并擒善獻於帥府事聞贈濟行省檢校授健古田
令俱順帝

武備志卷五十二

防風茅元儀輯

陣練制

茅子曰、天垂象、日月星辰繫焉、使日不左、月不右、五星無定位、二十八宿無定次、則天亦不能攝衆而失其尊、聖人之道、以六經爲筌蹄、然夫子不刪詩書、定禮樂、繫爻象、作春秋、則學官無耑門、弟子無耑業、來者何以窺藩籬、往者何以師百世、故兵之有陣、天之垂象也、兵有練、聖人之六藝也、陣

而不練則土偶之髯

而不陣猶驅虎豹入

市徒以走衆使三人同心乘勢而猝則立斃矣故
我合而言之陣取其制制則寧詳練取其實實則
寧俚若吐其詳誅其不析是二南具而國風可廢
也苟無資于實而責其辭不雅馴吾知罪矣

陣

練

陣

一

茅子曰古之人陣而後戰後世浸失其傳至北宋

時猶有爲之者、茲以後寂焉、五百載、時見于空言耳、近世戚少保始爲鴛鴦陣、亦其便宜、非古陣制也、陣之法、不見於天下、陣之說、徒以惑聽聞、吾嘗究之於井田、而聖人作陣之故、較然也、俗士不通其解、猶以爲杳幻、不可方物、吾喻而言之、可乎、夫聚耕奴于隴畝、至十百人、不分田而授之、則互爲諉、不限力而責之、則各爲諉、不量其布獲之煩、暑雨之迫、而教其合力焉、則一人勢不給、雖不諉而自諉、故前後左右者、其所分田也、坐作進退者、其

所限力也。此擊則彼救，陽突則陰伏者，量其煩迫而教其合力也。然使數者舉而主人之相產必平，坂廣原而後可，則天下之棄地多矣。故量地制陣，而方圓曲直銳之形別焉。今易以旌旗之名，詭以神將之臨重，以五行之目，飾以五方之色，淆以吉凶之門，則聽者靡不傾耳，無他，秦火之後，而九經各有識緯，識緯之惑亦猶此者也。漢儒明聖道不切，故其說得行，至六季而漸廢。至于今而不傳，今之知兵者寡焉，得不惑于衆說乎？衆說紛紛，各有

其至推而精之在乎神明變而通之在乎決機而說者徒爭是非于尺幅之間可悲也亦有最鄙淺而無當者然廢之適足以惑世李衛公有言存之乃所以廢之也況說者方以其學甚秘不知流傳者紛以穢特患其多耳吾故譜而存之鮮所刪削陳所摭擊以廣學者之目焉先以天次以神繼以時終以雜家

積卒五營圖

說記

太乙直陣圖

太乙銳陣圖

太乙圓陣圖

太乙方陣圖

太乙曲陣圖

太乙八陣圖

六圖共說

辨

伏羲師卦圖

師卦九軍陣圖

二圖共說

黃帝縱布握奇陣圖

說

握奇九軍陣圖

握奇營衛圖

三圖共記

風后握奇陣圖


三圖共記

辭

曾公亮演黃帝所傳風后握奇陣圖

三圖

積卒五營圖













事必法
乎天故
以之首





宋史天文志積卒十二星在房西南步天歌五營
軍士之象主衛士掃除不祥星小爲吉明則有一
兵亡兵少出二星忘兵半出三星忘兵盡出五星
守之兵起不測近臣誅彗星守之禁兵大出天子
自將風雲犯之青赤爲大臣持政欲論兵事

積卒陣記


積卒之象天之陣也在房度西南其星十二點布
爲內外二重外圍以八八營也內握以四中壘也
合內外而爲九九軍也各三星品連而相統以爲

左右前後四獸之局，向於前者，前拒之，爲鳥陣也；向於後者，後拒之，爲蛇陣也；向於左者，左角之，爲龍陣也；向於右者，右角之，爲虎陣也。又外體圓，天陣布也；內體方，地陣布也。外四隅各一，風雲起四維也。東西各二，天衝居左右也；內二縱相對，天衝居前後也。二橫相對，地軸貫中央也。又外四位之相間，各離二星之廣，內四星之相去，各離一星之廣，陣間容陣，隊間容隊也。前參連如

聖人不
過法天
而已


後參連、左參連如右參連、以前爲後以
後爲前、四面如一、觸處爲首也、合有五營、散
有八陣、數起于五而終於八也、以內之四、統
外之八、四奇傳命於八正、八正取稟於四奇也、其
法咸備如此、豈非自然之理乎、蓋民物有治亂、夷
夏有盛衰、帝王有興替、盜賊有熾滅、冥冥之中、天
所陰制而默調者、蓋用以此、其陣至簡而備、主約
而要、至整而固、聖人雖智、其何能加於此、

太乙直陣圖




(機探)



太乙銳陣圖





太乙圓陣圖




太乙方陣圖




握機



太乙曲陣圖



太乙八陣圖



張燁太乙統宗寶鑑曰紫微天乙星南太乙一星、乃天帝之神、幹運權化、掌一十六神以輔人極、儲祥降福、世所欽仰、而爲三台、爲之三階、太乙躡之以上下、是以王者潔誠備物、恭已奉祀而獲嘉惠於天下、握兵伐暴、荷神力陰相、布算運籌、明太乙所在而察之也、

又曰算得一、出兵步卒在前、車騎次之、大將居中、出門無噪、宜祀居一一爲乾之西北方、以牛脯一胸、酌酒以獻、用皂帛爲蓆、大將向西再拜、呪曰一

官太乙萬神護吾三軍令敵自滅莫之敢當算得
二出兵步卒在前車騎次之大將居中出門無噪
宜祀居二位正南方以牛脯一胸酌酒以獻黃帛
爲蓆大將向南再拜呪曰二官太乙萬神護吾三
軍令敵自敗莫之敢當算得三出兵步卒在前車
騎次之大將居中出門無噪宜祀居三位東北之
方以牛脯一胸酌酒以獻用青帛爲蓆大將向東
北再拜呪曰三官太乙萬神護吾三軍令敵自亡
莫之敢當算得四出兵步卒同前赤帛爲蓆大將

向東再拜呪曰、四官太乙萬神、護吾三軍、令敵自
伏、莫之敢當、算得六、出兵車騎在前、步卒次之人
將居中、出門鼓噪急行、宜祀居六位、正西以牛脯
一胸酌酒以獻、用白帛爲蓐、大將向西再拜呪曰、
六官太乙萬神、護吾三軍、令敵自傷、莫之敢當、算
得七、出兵同六官、宜祀居七位、西南之方、黃帛
爲蓐、呪曰、七官太乙萬神、護吾三軍、令敵自破、莫
之敢當、算得八、出兵同六官、宜祀居八位、北方、皂
帛爲蓐、呪曰、八官太乙萬神、護吾三軍、令敵自損、

莫之敢當算得九出兵同六宮宜祀居九位東南
之方青帛爲蓐呪曰九宮太乙萬神護吾三軍令
敵自潰莫之敢當凡出兵興師行有緩急法有次
序爲主爲客在得算而已如算得一以至於四步
卒在前車騎次之大將居中出門宜肅不宜噪所
以緩而不急也如算得六以至九車騎在前步卒
次之大將居中宜噪不宜肅所以急而不緩也取
五采帛爲蓐者欲神嚮其方土之物亦取於算之
義也如算得一八宜用皂帛四九宜用赤帛二五

宜用黃帛六、七宜白帛三、九宜青帛與太乙用旗色之相同也。算中無五算者，乃大小將杜塞無門也。陣兵必出其向，如算得一陣，兵必出西北，得二兵必出南，得三兵必出東北，得四兵必出東，得六兵必出西，得七兵必出西南，得八兵必出北，得九兵必出東南。

又曰：太乙五陣之制曰：方圓曲直銳，以應五行五方之制，而分主客之用也。

又曰：太乙八陣與諸葛孔明魚復江八陣圖義同。

勢殊孔明之陣、明白易曉。

又曰太乙置陣舉旗之法、古秘不傳、今采其旨歸以明之、主客算得一八者、宜用曲陣而舉黑旗、算得三六、宜用直陣而舉青旗、算得二四、宜用銳陣而舉赤旗、算得二五、宜用圓陣而舉黃旗、算得六七、宜用方陣而舉白旗也。如三門具五將發、利以興兵動衆、如天目不在、囚迫地目不在、掩擊太乙不在、開休生三門之下、所謂三門具五將發也。

趙本學太乙陣辯

五陣
以不
取著
之于
前

太乙統宗寶鑑太乙陣圖三首近代張燁之所演
也、張燁泉州洛陽人、永樂中舉人、太乙者紫微之星術家謂其神
主用兵之吉凶遂有太乙之數其書幻妄無取張
燁怪誕復以行陣之法附之布爲直銳圓方曲及
八陣凡六圖何辯之蓋先王制陣惟有節制而已
節制者奇正分合步數進退之法也有節制則勝
無節制則敗春秋戰國之時古節制無傳談兵之
士競以其術數著書凡一百二十家分爲權謀形
勢陰陽技巧四種太乙兵法一篇天一兵法三十


五篇卽陰陽之種也

太乙天乙紫微二星名


漢諸呂用事盡

竊中秘之書四種皆無傳矣今所行太乙數後世所作非古之兵書明將所不取張燁以數爲陣竒正無方行列無勢其鑿甚矣爲將者愚如王莽劉禪賈似道矢心而貞信之不至于覆軍殺將亡國喪身者未之有也

伏義師卦圖



師卦九軍陣圖



三三

坎下坤王師義

貞丈人吉無咎

文王

初六師出以律

否臧凶九二在師中吉無咎王三錫命六三師或
輿尸凶六四師左次無咎六五田有禽利執言無
咎長子帥師弟子輿尸貞凶上六大君有命開國
承家小人勿用周公彖曰師衆也能以衆正可以王
矣剛中而正行險而順以此毒天下而民從之吉
又何咎象曰地中有水師君子以容民畜衆師出
以律失律凶也在師中吉承天寵也王三錫命懷
萬邦也師或輿尸大無功也左次無咎未失常也

長予帥師、以中行也、弟子與尸、使不當也、大君有命、以正功也、小人勿用、必亂邦也、孔子


伏羲師卦陣記

師卦之陣、伏羲氏王天下之所作也、伏羲仰觀積卒之宿、而得五營九軍之數、乃以一卦當一星、十二星而布十二卦、布四坎于中、以爲貞、布八坤于外、以爲悔、環八方、坤坎之相涵、營在其中矣、對待交互、其爻六十有四、又八坤四坎、積爻三十有二、折陰畫之偶、其畫亦六十有四、陣在其中矣、坤者、

順也。靜也。坎者險也。不可測也。或靜或不可測。奇。正在其中矣。一陽居中而用事。內外三十二陰。皆爲所率。將在其中矣。南爲先鋒。北爲後游。東爲左翼。西爲右翼。東南爲前軍。西南爲右軍。東北爲左軍。西北爲後軍。陣在其中矣。初爻爲殿。二爻爲中。三爻爲戎。四爻爲駐。五爻爲前。六爻爲先鋒。卒在其中矣。內外相維。大小相包。四面如一。觸處爲首。節制在其中矣。故名其卦曰師。有陣之象也。所謂作易以通神明之德。以類萬物之情。蓋如此。文王


係卦辭。重順義而貴選將也。周公係爻辭。審進退而察動靜也。孔子係象傳。務養民以得其心也。以伏羲之陣、兼三聖之辭、則師爲直、將爲明、兵爲和、陣爲武、仁義節制、兩者備矣。以王天下、其孰不服、不率者哉。故曰、後世兵書之繁、不如師卦之約、乃此之謂與。

黃帝縱布握奇陣圖




黃帝握奇經、縱布二天、二天次之、縱布四地、次十
天、後縱布四風、挾天地之左右、縱布四雲、起天地
之四維、縱布天衡、居其左右、縱布天衡、居其前後、
縱布地軸、居其中間、

握奇九軍陣圖



握奇營衛圖



此書訛
列至矣
如此分
析方得

黃帝握奇經曰

風后所作

縱布二天、二天次之、縱布四

地、次於天後、縱布四風、挾天地之左右、縱布四雲、

起天地之四維、縱布天衝、居其左右、縱布天衡、居

其前後、縱布地軸、居其中央、

右古經文凡六十字、所以記陣之名數、及

布列之次序、約而極備、真聖人之筆也、後世握法

經一本、有范蠡樂毅韓信等註、相雜蓋范蠡樂毅

乃古人傳註之法、約其義為傳、以係于經文之前、

至韓信張良次序兵法、又釋范樂之傳、猶大

小傳也、後錯而為一、經傳不分、辭義不明、公

徒于難通之處、增字發明、則雜亂愈甚矣、今

別而分折

之如左云、

握奇經傳義

大傳范蠡樂毅之文、傳下小註、韓文、圈外小註、即公孫弘增字發明

也之

縱者直陣龍象也三十二隊陽十六隊天衝八隊風三

十二隊陰十二隊地衝八隊雲○天地之衝為虎翼

龍風為蛇蟠天地以下八重以列即列其不可兵

雲為鳥翔天地以下八重以列即列其不可兵

以犄角重

列不動

或分而為八或合而為一分合各隨人之天圓布

前為左後為右望是也天衝居兩端其次雲其次

風左右相向是也○此為動地方布風雲各在前後衝

之前其次地居中間兩地為軸是也○此為靜經曰縱

布二天二天次之縱布四地次于天後縱布四風
挾天地之左右縱布四雲起天地之四維縱布天
衝居其左右縱布天衝居其前後虛實二○天
其左天後衝居其前星是也○天衝居
其右雲居四端縱布地軸居其中間公孫弘曰人多傳韓信釋
註天圓布以下與此微有差異而范蠡樂毅相雜
今亦錯綜於中其部隊或三十或五十變通之理
寄之明哲不復備載千古以來其文不滿多憑
口訣以相傳授今於難解處增字以發明之耳

握奇陣記

握奇之法軒轅黃帝王天下之所作也神農世衰
諸侯相侵伐黃帝習用干戈以征之其陣觀于易


象而爲形其布列本于先天對待而起數天地定位故首布乾而坤山澤通氣故次布兌而艮雷風相薄故次布巽而震水火不相射故次布離而坎布於乾坤之外四陣爲天天包乎外也布於乾坤之內四陣爲地地載乎內也布於兌巽艮震之外四陣爲風雲風鼓于天而變化雲出于地而飛揚也布於離坎之外四陣爲天衝卯酉相射之義也布於兌艮巽震之內四陣爲天衡衡者窺天之器璣璇而衡居其所也布於離坎之內四陣爲地軸

軸者車之樞要輪轉而軸執其中也規環爲圓對
待爲直直而布之故曰縱布也其軍九其陣六十
四其形圓其象爲龍乾爲首坤爲尾兌艮巽震爲
四足坎離爲兩翼也奇者圓之數也凡物之圓者
外圍三則內徑一三各一奇師卦外焉八坤其畫
二十有四其著策積老少一千三百四十四內焉
四坎其畫有八其著策積老少四百四十八內得
其一外得其三三爲外營一爲中軍大將握之故
取其名爲握奇戰輸罔于坎泉擒蚩尤於涿鹿之

知此可
以守
師之

野者斯陣之勝也是時黃帝遷徙無常處城郭宮
室未備輒以兵師分內外爲營衛內營四外營十
二以包之中衛二十七包外營外衛二十有八又
包中衛攻守居行其法一而已矣

風后握奇陣圖



獨雅及風后八陣圖記

物不終靜、必受之以動、當純坤用事、陰疑于陽、則
飛龍戰、大朴已散、聖盜並起、故戎馬生、乃有力吞
八荒、爭截九有、大者天柱折、地維絕、小者作慝廬
山、負阻中冀、上帝憑怒、下民是恤、乃眷武德、黃帝
受之、始順殺氣、以作兵法、文昌以命將、於是乎征
不服、討不庭、其誰佐命、曰元老風后、蓋戎行之不
修、則師律用爽、陰謀之不作、則凶器何恃、故天命
聖者、以廣戰術、俾懸衡於未然、察變於倚數、握機

制勝、作爲陣圖、夫八宮之位正、則數不憊、神不忒、故八其陣、所以定位也、衡抗於外、軸布于內、風雲附其四維、所以備物也、虎張翼以進、蛇向敵而蟠、飛龍翔鳥、上下其勢而致用也、至若疑兵以固其餘地、游兵以按其後列、門具將發、然後合戰、弛張則二廣迭舉、犄角則四奇皆出、必使陷堅陣、拔深壘、若星馳天旋、雷動山破、魏之觀列、鄭之魚麗、周成之熊羆、昆陽之虎豹、出匪以律、我異於是、旣而圖成罇俎、帝用經略、北逐獯鬻、平蚩尤、戡黎於阪。

泉省方於崆峒底定萬國旁羅七曜鼎成龍至去
而上遷於是遺風冥冥時亡而圖存焉於戲聖迹
長往神機未昧酌其流者猶足以決勝三軍禦侮
萬里故項籍得之以霸西楚黥布得之以奄有九
江漢孝武得之攘匈奴服騶越東收穢貊西拓大
夏然則聖圖幽贊未始有涯天寶中客有爲韜鈴
者得其遺制於黃帝書之外篇裂素而圖之勝敗
之朕在我股掌天地之心見於毫末議欲獻諸策
府廣武事會天子以不戰爲師無爲爲寶則是圖

也、興於多難、廢於昇平、堙淪不書、盛德其沒、乃旌諸圖側、以爲三皇之故事、六藝之餘伎云、

趙本學風后握奇陣辯

武經總要風后握奇陣圖一首、宋朝士之所演也、宋神宗詔朝士討古陣法、有以此圖進者、以前爲外、後爲內、衡陣在外、圓布以象天、軸陣在內、方布以象地、風陣當衡陣之四面、雲陣夾軸陣之兩旁、虎蛇向敵於前、鳥龍上下於後、衡陣十有四、軸陣九、風雲陣各四、龍虎鳥蛇陣各二、合陣三十有九、


而爲大陣、何辯之、蓋風后制陣、天地居前後、天衡
居兩端、風雲居四隅、地軸居中央、正兵主守、不動
爲義、故名衡軸奇兵、主戰變動爲義、故名風雲冲
陣、數有九、中軍零者、夫將握之、故名握奇、此古文
握奇經然也、後世謂孔明之八陣、卽風后之握奇、
遂有天地前後冲、變爲龍虎蛇鳥之說、握奇八陣、
交相混雜、故唐韜鈴客獨孤及目爲風后握奇而
爲之記、及去天陣地陣天冲陣三陣之名、更於龍
虎鳥蛇、湊衡軸風雲爲八陣、不本握奇古文、而別

此議
正

爲之圖亦相襲混雜之悞也。然古人制陣之要所
貴爲奇正有分合，利於相救，便於攻守，紛紜而不
亂，如此而已。獨孤及記陣名，雖不合於經而定位
備物致用之旨，疑兵遊兵二廣四奇之稱，奇正分
合可以意會，必韜鈴之圖規模形勢曲盡其妙，而
及之文足以發之也。總要所繪圖其陣名其布置
實按獨孤及之記之文，其形勢方不成，八圓不成
六奇正分合一無可觀，何哉？蓋握奇經文蘊奧難
曉，韜鈴八陣又湮沒無考，朝之文士姑以獨孤之

託爲據、妄自揣度而爲之耳、殊不知陣無多寡、不
越六十四陣、然後七軍九軍之法具焉、豈有三十
九陣而可以爲陣哉、徒知握奇之名、而夫握奇之
義於制陣烏乎可、

曾公亮黃帝所傳風后握奇陣圖



武經總要曰、右握奇經雖存、其圖不傳久矣、今採其說、列而爲圖、恐未必與古合、更俟識者參訂之、王應電纂握奇經曰、天地風雲龍虎鳥蛇、四爲正、四爲奇、餘奇爲握奇、或總稱之、先出遊軍定兩端、天有衝地、有軸、前後有衝、風附於天、雲附於地、天衝重列各四隊、前後之衝各四隊、風居四維、故以圓地、軸單列共三隊、前後之衝各三隊、雲居四角、故以方、天居兩端、地居中間、總爲八陣、陣訖、遊軍從後躡敵、或驚其左、或驚其右、聽音望麾、以出四

奇、天地之前衝爲虎翼、風爲蛇蟠、圍繞之義也、虎居于中、張翼以進、蛇居兩傍、向敵而蟠以應之、天地之後衝爲龍飛雲爲鳥翔、突擊之義也、龍居于中、張翼以進、鳥翼兩傍、向敵而翔以應之、虛實二壘皆逐天文氣候、山川向背、利害隨時而行、以正合、以奇勝、天地以下八重以列、或曰握機望敵、卽因其後以犄角、前列不動、或合而爲一、因離而爲八、各隨師之多寡、觸類而長、天或圓而不動、前爲右、後爲左、天地四望之屬、天居兩端、其次風、其次

雲左右相向是也。地方布，風雲各在前後衝之前。
天居兩端，其次地居中間，兩地爲此是也。從布天
一天二次之，從布地四次于天，衝復從布四風，挾
天地之左右，天地前衝居其右，後衝居其左，雲居
兩端，虛實二壘，則此是也。

四正四奇，其餘奇零之兵，大將居中所握，猶弩之
有機，故曰握機。八陣總以天地風雲四者，天地取
其動靜，開闔風雲取其往來，屈伸衝者，車駕馬以
行，天衝十六陣包陣外，猶天之運乎外，故曰天衝。

軸者車持輪不動而輪之運由之地軸十二陣主陣內猶地之靜而化生萬物故曰地軸衝者陷敵決戰之義天地各有前後衝者陰陽各以剛決威武爲用也風者摧撓剝落之義行乎天下故附天雲者晦冥變化之義出乎地中故附地遊軍乃陣後二十四陣餘軍也未知敵之虛實故先遣游軍驚動以窺之按游軍乃兵家至要安營則爲兵候爲應援爲游騎以備非常軍行則爲探馬探旗而在陣前爲奪險爲游騎以當險阨戰則爲探敵爲

陷陣爲間道別支之軍皆躡捷不羈之士其所立
皆非常之功御之亦宜以非常之恩不可不知也
天衝地軸天地前後衝總名天地四角總名風雲
四爲體出戰合前右總名爲虎合後左總名爲龍
而四風稱爲蛇四雲稱爲鳥四爲用體用皆合八
陣而爲四陣兼體用而言亦爲八陣也天前衝居
右乃正虎地前衝居前而總謂之虎兵家先陰故
以前軍與右軍同用也天後衝居左乃正龍地後
衝居後而總謂之龍兵家後陽故以後軍與左軍

同用也。四面兵不逐方，并出而與兩面同出，欲更
休無空缺也。風從虎，故虎進則蛇應；變風言蛇者，
虎蛇皆陰類也。雲從龍，故龍進則鳥應；變雲言鳥
者，龍鳥皆陽類也。四角風雲各自爲更休而不逐，
隅并出者，亦使無空缺也。虛實二壘，此有二義：調
出者爲虛，居守者爲實。陣有定名爲實，壘無定名
爲虛。奇正者，居中當敵者爲正，兩旁夾擊者爲奇
也。天或圓而不動，以下言布陣之法有三：一陣以
天衝分居四方而在外，天前衝居右，天後衝居左。

地前衝居前地後衝居後此據天衡在外包運而
爲陣也一陣以天衡重列居兩端天地前衝并居
前天地後衝并居後此據天地前後衝而爲陣也
二陣之法體數不殊而在布列稍異者蓋平原曠
野四面受敵如是爲營則宜天衡在外四面不動
而中四衝更迭出兵此條首四句則明此陣天或
圓而不動言天衡在外爲營不動也前爲右後爲
左者天前衝居陣右天後衝居陣左其出軍則天
地前衝總爲右虎天地後衝總爲左龍也天地四

望之屬者、天前衝爲虎、天後衝爲龍、地前衝爲鳥、
地後衝爲蛇、以天地之衝分屬於四方也、若有險、
可據、則以天衝對敵、併兵防守、不動而以前後衝、
從險處出兵、此條自天居兩端、至兩地爲比、俱明、
此陣蓋險在左右、則天衝重列居前後兩端以對、
敵、故曰天居兩端、天衝在中、而風雲在傍、故曰其、
次風、其次雲、左右相向、前後衝在左右、而風雲亦、
在旁、故曰風雲各在前後衝之前、地軸居中而與、
地衝相比、故曰兩地爲比、然此乃布陣之例、若險、

在前後則當據其前後而天衡居左右以對敵隙
在一隅則當據一隅而天衡總補其缺布陣者所
當知也又一陣乃五行陣法也從布天一天二次
之者以天衡重列居左右當青龍白虎之位也從
布地四次於天衡後者卽地軸居中也從布四風
挾天地之左右者在青龍白虎之外而爲輔也天
衡地軸四風南北而列故曰從天地之前衝居其
前後衝居其後者當朱雀玄武之位也雲居兩端
在朱雀玄武之外而爲輔也其法馬軍皆在四正

方而四角空處則以游軍補之必如此立陣者蓋
或敵衆圍我之軍吾欲潰圍而出勢須四方八面
皆用精騎或敵來挑戰吾不得利不欲與戰其勢
不復用游軍必合而爲一不使斷絕或軍行之時
敵人來乘我軍吾倉卒不暇結營故亦以馬軍勅
卒在外以當其衝三者皆用此然亦不過變通陣
法使敵不能窺耳陣有定法壘爲虛位所布之陣
爲實不布者爲虛故曰實虛二壘也